

Faruk Selmanović
Zastupnik u Skupštini Kantona Sarajevo

Bosna i Hercegovina
Federacija Bosne i Hereegovine
Kanton Sarajevo
Skupština Kantona Sarajevo
n/r predsjedavajući Skupštine Kantona Sarajevo

Uputiti: Škupštini Kantona Sarajevo

PREDMET: INICIJATIVA

Poštovani,

Na osnovu člana 213. Poslovnika Skupštine Kantona Sarajevo ("Službene novine Kantona Sarajevo", broj: 41/12, 15/13, 47/13, 47/15, 48/16), upućujem inicijativu Skupštini Kantona Sarajevo, za utvrđivanje odgovornosti Javne ustanove „Memorijalni centar Sarajevo“, prema osnivaču, odnosno Skupštini Kantona Sarajevo, zbog objave na društvenoj mreži novog logotipa Memorijalnog centra, koji je uklonjen tek nakon reakcije javnosti, odnosno građana, boraca, te pripadnika šehidskih i porodica poginulih boraca i građana iz proteklog rata.

U svom saopštenju nakon uklanjanja spornog logotipa, Memorijalni centar Sarajevo je naveo da su zbog proširenja djelatnosti, nastojali da rade i kreiraju dodatne elemente koji bi vizuelno odgovorili samom proširenju djelatnosti Memorijalnog centra Sarajevo, te da su u tom smislu javnosti putem društvenih mreža predočili jednu od verzija novog logotipa na kojem radi kreativni tim agencije Fabrika, da je ovo bila testna faza prije razmatranja novog ili izmjene postojećeg loga Memorijalnog centra Sarajevo, te da su nakon reakcije javnosti koje je izazvao predstavljeni prijedlog, odlučili da, ni ovo, a ni ostala predložena rješenja neće biti dalje razmatrana, niti usvojena.

Napominjem, da je Odlukom o osnivanju Javne ustanove „Memorijalni centar Sarajevo“ ("Službene novine Kantona Sarajevo", broj: 45/23), te Rješenjem Općinskog suda u Sarajevu zvanično registrovan kao javna ustanova od posebnog društvenog interesa, čiji je osnivač Skupština Katona Sarajevo, da je pravni sljedbenik dosadašnjeg „Fonda Memorijala Kantona Sarajevo, te da na osnovu člana 26. navedene Odluke preuzima sva prava i obaveze svog prethodnika.

Žalosno je i nedopustivo, da je Javna ustanova „Memorijalni centar Sarajevo“, tek nakon reakcija javnosti, uvidjela grešku i promjenila prethodni stav, jer i ako je bila testna faza, u što sumnjam, onda su to trebali navesti i u prethodnom saopštenju, kad je objavljen sporni logo.

S poštovanjem,

Sarajevo, 26.2.2024.godine

Faruk Selmanović, Zastupnik u Skupštini Kantona Sarajevo